

1952

**Sebija Izetbegović**  
Zastupnica u Skupštini Kantona Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo

Bosna i Hercegovina  
Federacija Bosne i Hercegovine  
KANTON SARAJEVO

PRIMLJENO	18-05-2026
Organizaciona jedinica	01
KLASIFIKACIJA	04
BR. PRILOGA	24273-69

n/r Predsjedavajućeg Skupštine Kantona Sarajevo

Uputiti: Ministarstvu zdravstva Kantona Sarajevo

**PREDMET: Realizacija proljetne preventivne sistematske deratizacije na području Kantona Sarajevo za 2026. godinu**

Poštovani,

Imajući u vidu odredbe Odluke o obaveznoj preventivnoj sistematskoj deratizaciji na području Kantona Sarajevo („Službene novine Kantona Sarajevo“, broj: 22/13, 36/13 – Ispravka, 23/16, 7/17, 41/19, 42/19, 44/22, 48/22 i 21/24), kao i aktuelnu situaciju i moguće ozbiljne posljedice po javno zdravlje građana Kantona Sarajevo, u skladu sa Poslovníkom Skupštine Kantona Sarajevo upućujem sljedeća zastupnička pitanja:

#### I. REALIZACIJA PROLJETNE DERATIZACIJE ZA 2026. GODINU

1. Koje su konkretne aktivnosti do danas poduzete u cilju realizacije proljetne preventivne sistematske deratizacije na području Kantona Sarajevo za 2026. godinu?
2. Kada je Ministarstvo zdravstva Kantona Sarajevo započelo aktivnosti vezane za organizaciju i realizaciju proljetne deratizacije za 2026. godinu?
3. Koje institucije, ustanove i organizacioni subjekti su uključeni u pripremu i realizaciju proljetne sistematske deratizacije?
4. Da li je izrađen operativni plan provođenja proljetne deratizacije za 2026. godinu i molim da se isti dostavi.
5. Kada je planiran početak realizacije proljetne preventivne sistematske deratizacije na području Kantona Sarajevo?
6. U kojem vremenskom periodu je planirano provođenje aktivnosti deratizacije?
7. Na kojim lokacijama i područjima Kantona Sarajevo će biti provedene aktivnosti deratizacije?

#### II. IZBOR IZVOĐAČA I PROVOĐENJE AKTIVNOSTI

1. U kojoj fazi se trenutno nalazi postupak izbora firmi koje će vršiti preventivnu sistematsku deratizaciju na području Kantona Sarajevo?
2. Da li je pokrenut postupak javne nabavke za izbor izvođača deratizacije za proljetnu sezonu 2026. godine?
3. Kada je pokrenut predmetni postupak i u kojoj fazi se trenutno nalazi?
4. Ko provodi postupak izbora izvođača deratizacije?
5. Koje firme su se prijavile na predmetni postupak javne nabavke?
6. Da li je izvršen izbor izvođača i ukoliko jeste, molim da se dostavi naziv izabranih firmi, vrijednost ugovora i period trajanja ugovora.
7. Ukoliko izbor izvođača nije izvršen, molim da se dostavi obrazloženje razloga zbog kojih postupak još uvijek nije okončan.
8. Da li postoje žalbeni postupci ili druge administrativne prepreke koje utiču na blagovremenu realizaciju deratizacije?

### III. JAVNO ZDRAVLJE I PREVENTIVNO DJELOVANJE

1. Koje je procjene rizika Ministarstvo zdravstva Kantona Sarajevo izvršilo u vezi sa mogućim posljedicama neblagovremene realizacije proljetne deratizacije?
2. Da li Ministarstvo zdravstva Kantona Sarajevo raspolaže podacima o povećanoj pojavi glodara i drugih štetnika na području Kantona Sarajevo?
3. Da li su Zavod za javno zdravstvo Kantona Sarajevo ili druge nadležne institucije dostavljale upozorenja ili preporuke vezane za hitnost provođenja preventivne sistematske deratizacije?
4. Koje hitne mjere Ministarstvo zdravstva Kantona Sarajevo planira poduzeti kako bi se spriječile moguće posljedice po zdravlje građana?
5. Da li postoji procjena mogućih epidemioloških rizika usljed eventualnog kašnjenja provođenja proljetne deratizacije?

### IV. REALIZACIJA RANIJIH INICIJATIVA I MJERA JAVNOG ZDRAVSTVA

1. Koje su aktivnosti poduzete po ranije upućenim inicijativama i pitanjima koja su se odnosila na stanje javnog zdravstva i javne higijene u Kantonu Sarajevo?
2. Zbog čega Vlada Kantona Sarajevo do danas nije realizovala ili pokrenula konkretne aktivnosti sa ciljem prevencije i blagovremene zaštite zdravlja građana Kantona Sarajevo?
3. Da li Ministarstvo zdravstva Kantona Sarajevo smatra da su dosadašnje aktivnosti bile dovoljne i pravovremene imajući u vidu trenutno stanje javne higijene i potencijalne opasnosti po zdravlje stanovništva?

### ZAKLJUČAK

Cijeneći novonastalu situaciju i moguće ozbiljne posljedice po zdravlje stanovništva, smatram da je neophodno **HITNO** poduzeti sve potrebne aktivnosti kako bi se blagovremeno provela planska preventivna sistematska deratizacija na području Kantona Sarajevo za proljetnu sezonu 2026. godine.

Preventivna zaštita javnog zdravlja predstavlja jednu od osnovnih obaveza nadležnih institucija, posebno imajući u vidu činjenicu da sam u proteklom periodu kroz niz inicijativa i zastupničkih pitanja kontinuirano upozoravala na stanje javne higijene i potrebu blagovremenog djelovanja institucija sistema.

Građani Kantona Sarajevo imaju pravo na efikasnu, organizovanu i pravovremenu zaštitu zdravlja, a nadležne institucije imaju obavezu da osiguraju provođenje svih preventivnih mjera u skladu sa zakonom i važećim odlukama.

S poštovanjem,

Sebija Izetbegović  
Zastupnica u Skupštini Kantona Sarajevo

